



10.11.2021

UKA2021/80

Eqqakkat plastikkiusut atoqqinneqarsinnaangornissaannik, sanaartornikkullu atorneqarsinnaangortinnissaannik periarfissat suunersut pillugu Naalakkersuisut UKA2022-mut agguaassassamik nassuiaasioqqullugit Inatsisartut aalajangiiffigisassaattut siunnersuut.

(Inatsisartunut ilaasortaq Aqqalu C. Jerimiassen, Atassut)

Siumumiit imaattumik oqaaseqassaagut.

Siunnersuuteqartup tunngavilersuutimini eqqakkat plastikkiusut atoqqinneqarsinnaangornissaannik sanaartornikkut atorluaanissamik pingaartitsinera Siumumiit isumaqatigilluinnarparput. Nunatsinnimi pinngortitap mingueqisup illersorneqarnissaa imaannaangitsuvoq. Taamaattumik Siumumiit mingutitsinerit suugaluartulluunniit ingalassimaartissallugit pingaartitaraarput. Minnerunngitsumik eqqakkat plastikkiusut atorluarnerqaratik. Pinngortitap avatangiisittalu saligaatsuunissaa qulakkeerniarlugu iliuutsit ersarissut ingerlattariaqarpagut, taamaattumik Siumumiit isumaqarpugut maannangaaq tamakku eqqartussallugit piffissaasoq. Tamannalu ESANI suleqatigalugu siunissamut periusissiornissaq pilersaarusiornissaq aallartittariaqartoq allaqqunneqarsinnaanani.

Taamatut oqaaseqarluta Siumumiit siunnersuutigineqartoq ilalerlugu, ataatsimiititaliamit eqqartorluarneqarnissaa inassutigaarput.

Lars Poulsen, Siumut